



社團法人台越文化協會 Hiệp Hội Văn Hóa Việt Đài

Kính gửi Quý hội viên,

Trân trọng kính mời Quý hội viên đến tham dự phiên họp thường niên của Hiệp hội vào ngày 09 tháng 01 năm 2016.

Kính chúc Quý hội viên sức khỏe và thành công.

Trân trọng!

台越文化協會 ê 有志：平安、出頭天！

一冬 ê 時間過了真緊，佇這 beh 邀請 lán 好朋友 2016 年 1 月初 9（六）做伙來參加一冬一擺 ê 年會。

回顧這一冬 ê 活動，過年後 3 月 14 號舉辦第 3 屆台越之星台越歌曲 PK 比賽，有咱會員 ê 支持，mā 有袂少少年朋友來 tàu 鬧熱。充分展現台、越家庭幸福 kap 第一代、第二代多元語言文化 ê 能量。5 月初 8 贊助越南學生會 tī 成大舉辦越南文化週，透過多元 ê 展覽消解 kap 表演來表現自我文化 ê 認同自信、達成在地國際化 ê 效果。Soah--lâi 五月協辦第七屆台灣羅馬字國際研討會、十一月協辦台灣文學外譯國際研討會等學術活動，在在提高台越研究 ê 交流累積研究 ê 厚度。

2016 年年會 ê 內容 m̄-nā 會員大會，siàng-sí beh 創辦青年學者台越人文比較研究工作坊。邀請關心台灣、越南 ê 政經、教育、移民等議題 ê 社會賢達人士做伙來開圓桌會議，mā 拜託咱青年學者會員投稿論文，共同來關心 lán ê 未來，對今後國家政策提出具體 ê 見解 kap 建言。

尤其是當現此時南海局勢因為中國單方面改變主權強佔領域引起國際緊張，咱應該愛加強 kap ASEAN 諸國越南、印尼、菲律賓等國 ê 合作 kap 連繫，確認太平洋西南海面台灣 kap 美國、日本 ê 同盟關係，為台灣獨立 ê 將來鋪路。

2016 年是選舉年，1 月初 9（六）台越年會 ê 時，咱嘛 ài 進行第 4 屆理監事 ê 選舉，閣一擺拜託各位會員踴躍出席，予年會會當順利圓滿成功。

台越文化協會理事長

2015.12.11